

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 15. stav (6) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva finansija, Vlada Zeničko-dobojskog kantona, na 125. sjednici, održanoj 17.04.2026. godine, d o n o s i

## **ODLUKU**

### **o preraspodjeli sredstava u Budžetu Zeničko-dobojskog kantona za 2026. godinu**

#### **Član 1. (Predmet)**

Odobrava se preraspodjela sredstava planiranih u Budžetu Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), između budžetskih korisnika: Ministarstvo za obrazovanje, nauku, kulturu i sport i JU Medicinska škola Zenica.

#### **Član 2. (Način preraspodjele i namjena sredstava)**

Preraspodjela sredstava planiranih u Budžetu Zeničko-dobojskog kantona za 2026. godinu, vrši se na sljedeći način:

- a) na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, planirani rashodi na poziciji 821300 – Nabavka opreme, Izdaci iz budžeta – Izvor 10, umanjuju se za 16.882,00 KM;
- b) na razdjelu 22, budžetska organizacija 03, potrošačka jedinica 0000 – Srednje obrazovanje, planirani rashodi na poziciji 821300 – Nabavka opreme, Izdaci iz budžeta – Izvor 10, uvećavaju se za 16.882,00 KM, a za budžetskog korisnika kako slijedi:

<b>Rb</b>	<b>Budžetska organizacija</b>	<b>Budžetski korisnik</b>	<b>Ekon. kod</b>	<b>Iznos (KM)</b>	<b>Namjena odobrenih sredstava</b>
1.	22030019	JU Medicinska škola Zenica	821300	16.882,00	- Nabavka opreme za učionicu (2.880,00 KM) - Nabavka školskog namještaja (7.012,00 KM) - Nabavka razglasa (6.990,00 KM)
<b>Ukupno srednje škole:</b>				<b>16.882,00</b>	

#### **Član 3. (Realizacija Odluke)**

Za realizaciju ove odluke zadužuju se budžetski korisnik kojem su sredstva odobrena, Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

**Član 4.**  
**(Izveštavanje)**

Budžetski korisnik kojem su odobrena sredstva za nabavku opreme iz člana 2. ove odluke dužan je sačiniti izvještaj o namjenskom utrošku sredstava i isti dostaviti resornom ministarstvu najkasnije 15 (petnaest) dana nakon utroška istih.

**Član 5.**  
**(Stupanje na snagu)**

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-7953/26  
Datum, 17.04.2026. godine  
Zenica

**PREMIJER**

*Nezir Pivić*

DOSTAVLJENO:

1x Ministarstvo finansija,  
1x Ministarstvo za obrazovanje, nauku, kulturu i sport,  
1x Budžetski korisnik, putem Ministarstva,  
1x „Službene novine Zeničko-dobojskog kantona“,  
1x a/a.